

«ԽԱՆԻՍՆ» ՊԵՏԱԿԱՆ ՀՈՂԱՏԻՐՈՒԹՅՈՒՆԸ ԻՐԱՆՈՒՄ
XIX ԳԱՐԻ ԵՐԿՐՈՐԳ ԿԵՍԻՆ

XIX դարի երկրորդ կեսին Իրանում ղեռնա նշանակալի տարածություն էին կաղմում պետությունը պատկանող հողերը կամ խալիսեն, խալիս հողատիրությունը Իրանում ղոյություն ունեւ ղեռ վաղ ժամանակներից, բայց այն միշտ փոփոխության մեջ էր։ Որոշ ժամանակաշրջանում նրա տարածությունը աճել, իսկ մի այլ ղեռում՝ նվազել է։ խալիսենները իրենց ծագումով նույնպես տարբեր էին, նայած թե ինչ պայմաններում և ինչ աղբյուրներից էին նրանք անցել պետությանը։ խալիս հողերի ծագումը կամ նրանց տարածության ստույգ ղափը երբեմն հայտնի չէր մինչև իսկ պետությանը։ Տարբեր ժամանակներում եղել են խալիս հողերի գրանցումներ և կաղմվել տարբեր ցուցակներ ու մատչաններ, որոնք ինչ-որ ղափով արտացոլել են խալիս հողերի վիճակը։ Այդպիսի ցուցակների կաղմվեցին նաև նասր էղ Դին ղահի (1848—1896) օրոք, որոնք պահպանվելով արխիւներում՝ աղբյուր են հանղիսանում խալիս հողերի հարցին տարբեր աղթներով անղրաղառնալու ժամանակ։ Վերոհիշյալ ցուցակներում մի քանի ձևի խալիսներ են նշվում, որոնք հետաղաղում ևս օղտաղործվել են ֆինանսների մինիստրության կողմից։ Դրանք են.

1. Ժխալիսեղաթե ինթեղալին կամ փոխանցելի խալիսներ։ Սրանք այն խալիսներն էին, որոնք պետության կողմից տրվել էին առանձին անձանց և ենթակա էին փոխանցման նրանց ժառանղներին, բայց ոչ որեղ երրորղ անձանաղորության։ Իսկ ղա եղել էր այնպես, որ խալիս հողերի ընղհանուր անկման պայմաններում նասր էղ Դին ղահի մինիստր Ամին էս Սուլթանը ղալիս է այն եղրակաղության, որ նշված կաղմածըները աղերումից փրկելու համար նպատակահամար կլինի ղրանք փոխանցել առանձին անհատների տնօրինմանը, փոխանակ նրանց տալու այղ կաղմածըների եկամուտները ստանալու իրաղներու։ Փոխանցումների համար նա համապատասխան հրղարտակներ հրաղարակեղ և կաղմածըների հարկերը բարձրաղրեղ, որը ղնահատղում էր ընամթերղով, իսկ հետո փոխաղղղում կանխիկ գղումարի։ Դա կղղղում էր Թաաիրա։ Այղ գղումարներից որոշ պակեղցումներ թուղլատղղում էին հատուկ նպատակների, ինչպես օրինակ ստղրերկրյա ղրանցըների կաղուղման համար և այլն։ Ահա հենց այս խալիսներն էին, որ հայտնի ղարձան Ժխալիսեղաթե ինթեղալին անունղղ։

Նոր կարղի համաձայն այղ հողերը կարող էին ժառանղղղել, բայց վաճաղղղել չէին կարող։ Այստեղ հետաղրրրական է նշել նաև այն, որ պետությունը միշտ էլ կարող էր այղ կաղմածըներից որեղ մեկը հետ պահանղել, ղրա համար էլ նրանց արժեղը, ընղհանրապես, աղելի ցածր էր նշանակղղում, քան արրարի կաղմածըներինը։

Այսպիսղղ, խալիսեղաթե ինթեղալին կամ խալիսեղաթե վաղղարին այն հողերն էին, որ տրղղում էին որպես ոչ լրղղ սեղականղություն, այսինըն՝ ղրանք

կարելի էր փոխանցել, բայց չէր կարելի վաճառել, ընայած որ հետազայում հատուկ ֆիրմանով թույլատրվեց նաև դրանց վաճառքը:

Էնթեղայի հողերից ստացված եկամուտների պետական բաժինը մեծ էր, երբևեմ հասնում էր մինչև 70 տոկոսի, ուստի նրանց տերերը մեծ ջանքեր չէին թափում այդ հողերի բարեկարգման համար¹:

2. «Խալիսեջաթիս զարթի» կամ բռնագրավված խալիսեներ: Սրանք այն խալիսեներն էին, որոնք նախկինում պատկանել են պետությանը դեմ ապստամբած կամ պետական հարկերը չվճարած խաներին, իսկ հետագայում զավթվել ու մտցվել են դիվանի խալիսեների ֆոնդը: Օրինակ, Քեհհրանում, Գիլանում, Բրուջերում և Խարում շատ հողեր ունեցող Ասաֆ էդ Դուլի մոտ 50 դյուղերը բռնագրավվեցին և համարվեցին խալիսեյի զարթի²: Պատահում էին նաև դեպքեր, երբ որոշ ժամանակ հետո այդ հողերը վերագարծվում, կամ ավելի շուտ վաճառվում էին նախկին տերերին, բայց դրանք շարունակում էին մնալ խալիսեների ցուցակներում³: Լամբտոնը գրում է, որ նասր էդ Դին շահի թագավորության սկզբում Իսֆահանի շրջակայքում մոտ 1000 հողակտորներ կային: Դրանց մի մասը մասնավոր էր, մի մասը վակֆային, իսկ մնացածը խալիսե, որոնք համարյա չէին մշակվում⁴: Ֆինանսների մինիստր Միրզա Արդոլ Հոսեյնին տրվեց 14.000 թուման կանխիկ և 1000 խարվար բնամթերք, որպեսզի նա հետ վերցնի այդ հողերը: Վերջինս այդ գումարը օգտագործեց զինվելու և կառավարության դեմ ապստամբելու համար: Ապստամբությունը ճնշվեց, իսկ նրա մասնակից մի շարք մարդկանց կալվածքները բռնագրավվեցին և մտցվեցին խալիսեի մեջ: Չնայած այդ կալվածքների տերերը որոշ ժամանակ անց հետ վերցրեցին իրենց կալվածքները, սակայն դրանք շարունակվեցին գրանցվել որպես խալիսեջաթիս զարթի՝ այսինքն բռնագրավված խալիսեներ: Այդ իրադարձություններից որոշ ժամանակ անց Միրզա Արդոլ Վահաբը նորից անդրագործավ Իսֆահանի հողերին և դրանք բաժանվեցին երկու կարգի՝ վակֆային խալիսեների և արբարի խալիսեների⁵:

3. «Խալիսեջաթիս բադրի» կամ սերմացուի խալիսեներ: Ղաջարների թագավորության օրոք Իրանում հաճախ սով էր լինում, որի հետևանքով կալվածատիրական շատ դյուղեր քայքայվում էին: Պետությունը ստիպված եղավ այդ դյուղերի գյուղացիներին սերմացու տալ, որպեսզի նրանք վերականգնեն հողի մշակությունը, պայմանով, որ բերքը ստանալուց հետո ստացած սերմացուն վերագործեն: Այդ դյուղերի տերերից ոմանք, վիճակը բարելավելուց հետո, վերագործան և իրենց դյուղերին տեր կանգնեցին, իսկ շատ կալվածատերեր,

¹ مسعود کیهان جغرافیای مفصل ایران طهران ۱۳۱۱ جلد سوم صفحه ۸۵

² تقی بهرامی تاریخ کشاورزی ایران طهران ۱۳۲۰ صفحه ۱۴۵

³ انصاری تاریخ اصفهان و ری اصفهان ۱۳۲۲ صفحه ۴۷

⁴ Պատահում էին դեպքեր, երբ մի գյուղի տարբեր մասերը կալվածատիրական էին, խալիսե կամ վակֆային: ИГВИА, ф. 76, л. 213, л. 4—8, օրինակ, 1880—81 թթ. Ղաթաղանում մի գյուղի մեկ երրորդը խալիսե էր, կամ մեկ ուրիշ գյուղի կեսը, մյուսի՝ մի երրորդը կամ մեկ վեցերորդը վակֆային: A. K. S. Lambton, Landlord and Peasant in Persia, London, 1953, p. 156.

⁵ A. K. S. Lambton, Landlord and Peasant in Persia, London, 1953, p. 152—153.

զանազան պատճառներով չվերադարձան և նրանց գյուղերը անցան պետությանը ու կոչվեցին «սերմացուի խալիսեններ»⁶։ Դա առաջին անգամ սկսվեց Մոհամեդ շահի օրոք Իսֆահանում, երբ սովը վերջանալուց հետո հողերը վերադարձվեցին տերերին, բայց մնացին խալիսենների ցուցակներում⁷։ Լամբտոնը նշում է, որ երբ 1869—1872 թթ. մի քանի իրար հաջորդող սովի տարիներ եղան, մեծ թվով խալիսե և արրարի հողեր նորից ամայացան, բազմաթիվ հողատերեր պարզապես լքեցին իրենց հողերը, որոնք և մտան խալիսեի ֆոնդի մեջ⁸։

4. «Նախիսեյաթի սալթի», կամ զրանցված խալիսեններ։ Սրանք այն հողերն էին, որ պետությանը չէին պատկանում, բայց քանի որ զրանցված էին դեռևս Նադեր շահի ժամանակ կազմված «Ռազարեյե Նադերի» ցուցակում, ուստի պետությունը այդ հողերը համարում էր խալիսե, չնայած գտնվում էին մասնավոր մարդկանց տնտեսության ներքո⁹։

Բացի խալիսեի այս չորս ձևերից, աղբյուրները նշում են նաև «Նախիսեյե սահիբեյե դիվանի» ձևը։ Այս հողերը տրվում էին մորաշիրերին, առանձին մարդկանց¹⁰։

Ուսումնասիրությունները ցույց են տալիս, որ Ղաջարների օրոք խալիսենների վիճակը շահերի փոփոխման հետևանքով անկայուն էր։

Ընդհանրապես պետք է նշել, որ դեռևս XIX դ. երկրորդ կեսին պետությանը կամ շահին պատկանող հողերի սահմանազատումը դժվար էր։ Այդ բանը միայն առաջին և երկրորդ մեջլիսների (1906—1911 թթ.) ժամանակ կատարվեց¹¹։

Ֆաթհ Ալի շահի մահից հետո խալիսենների վիճակը այնքան անորոշ դարձավ, որ կառավարությունը չէր իմանում նրանց քանակը, որովհետև բոլոր մատյանները և փաստաթղթերը ոչնչացել էին։ Իրանական շահերը միջոցների էին դիմում այդ հարցում պարզություն մտցնելու համար։ Հենց այդ պատճառով էլ Նասր էդ Դին շահի և Մոզաֆար էդ Դին շահի օրոք նույնպես խալիսե հողերի ցուցակները կազմվեցին¹²։

Այդ տեսակետից հետաքրքիր է հետևյալ վեաստը. Մոհամեդ շահի ժամանակ Մեծ վեզիր Հաջ Միրզա Աղասին 1841 թ. մի հրովարտակ է հրապարակում հետևյալ բովանդակությամբ։ Նախ՝ բոլոր այն խալիսենները, որոնք զրանցված էին մատյաններում և արրարի չէին, պետք է ճանաչվեին որպես խալիսե կալվածքներ։ Երկրորդ՝ այն նախկին խալիսենները, որոնք արդեն արրարի էին դարձել, խալիսեի մեջ չպետք է մտնեին։ Երրորդ՝ Աղա Մոհամեդ խանի և Ֆաթհ Ալի շահի այն բռնադրված հողերը, որոնք ժառանգներ ունեին, պետք է համարվեին արրարի։ Բայց պետությունը այդ հողերը չէր տալիս նրանց, այլ

⁶ احمد هومن اقتصاد کشاورزی جلد اول تهران ۱۳۳۴ صفحه ۲۷۹

⁷

انصاری... صفحه ۷۶

⁸ A. K. S. Lambton, Landlord and Peasant in Persia, London, 1953, p. 152—153.

⁹ նույն տեղում։

¹⁰

انصاری... صفحه ۷۶

¹¹ مرتضی حسینی تهران، اصول علم مالیه و قوانین مالی ایران

تهران ۱۳۳۴ صفحه ۱۸۵

¹²

احمد هومن... صفحه ۲۸۱

զրանց դիմաց վճարում էր դումար: Զորքորդ՝ բոլոր այն խալիսները, որոնք պրանցված էին կամ պրանցված չէին, հավակնորդ ունենալու զեպրում պետք է որովհետև նրանց և խալիսի չհամարվեին:

Այս հրովարտակը վերաբերում էր խալիսի բոլոր գյուղերին, որոնք ցրված էին Քեհրանի, Իսֆահանի, Աղբրեջանի, Քերմանի, Ֆարսի, Մազանդարանի, Արարատանի, Խամանի, Մալայի, Համազանի, Աստրաբադի, Սավի, Գիլանի, Ղազվինի, Քերմանշահի, և մասամբ էլ Բորուջերդի, Լորեստանի, Քուրդիստանի, Գուլիստանի, Խոնսարի և այլ նահանգներում ու շրջաններում¹³:

Քեքզոնը այն կարծիքն է հայտնում, որ խալիսի հողերը Իրանում մեծ մասամբ «անցած դարի քաղաքացիական, ներքին կոիվների ծնունդ էին»¹⁴:

Դա մասամբ ճիշտ է, բայց մեզ հետաքրքրող ժամանակաշրջանում արբարի հողերի բռնադրաման և խալիսի հողերի ֆոնդի մեջ մտնելու փաստերի էլ կարելի է հանդիպել: Պատահում էին զեպրեր, երբ հողատերերը ի վիճակի չլինելով բավարարել պետական պաշտոնյաների պահանջները, նրանց հողերը բռնադրավում և դառնում էին խալիսի Այդպիսի բռնադրավումները երբեմն կատարվում էին զեպրերի օրինակ՝ արխիվներում պահպանվել են Նասր էդ Դին շահի օրոք Իսֆահանի նահանգապետ Զեյլ էս Սոլթանի զեպրերները, որոնք արբարի հողերը հայտարարել են խալիսի¹⁵:

էզվարդ Սթենլեր «Վեց ամիս Պարսկաստանում» գրքում, որը հրատարակվել է 1882 թ., գրում է, որ արբարի հողերը կարելի էր առնել և ծախել, ինչպես ամեն մի ունեցվածք: Բայց, արդյո՞ք պետությունը երբեք զեպրերի հողերը վաճառում էր մասնավոր անձանց, թե ոչ, ամի հարց էր, որի համար ևս չկարողացա բավարար պատասխան ստանալ: Բայց անկախ այն բանից, թե զեպրերի հողերը կարող էին արբարի դառնալ թե ոչ, գոյություն ունեին մշտական տեղեկաց արբարի հողերը զեպրերի դարձնելու ուղղությամբ՝ բռնադրավման կամ այլ և այլ եղանակներով¹⁶:

Սա, իհարկե, միակողմանի զնադատական է, քանի որ փաստերը ցույց են տալիս, որ տեղի էր ունենում նաև խալիսի հողերի վաճառք՝ մասնավոր անձանց:

Ուսումնասիրությունները ցույց են տալիս, որ Ղաջարների թագավորության շրջանում, հատկապես Աղա Մոհամեդ խանի և Մեծ վեզիր Հաջի Միրզա Աղասու օրոք, խալիսի գյուղերը շատացան: Որոշ վազիրների կալվածքներ ևս, որոնք որոշակի նշանակում չունեին, զավթվեցին պետության կողմից և մտցրվեցին խալիսի ֆոնդի մեջ¹⁷: Նասր էդ Դին շահը իր թագավորության սկզբնական շրջանում խալիսի կալվածքները ընդարձակեց, բայց վերջում սկսեց դրանք բաժանել: Գյուղերը սկսեցին ավերվել և գյուղացիները մասսայաբար հեռացան խալիսի գյուղերից: Օրինակ՝ Նահավանդի և Խաղալի շրջանների մասին 1880 թ. զեպրացարկում ասված է, որ այնտեղ կային 13 լրիվ խալիսի և 4 մասամբ խալիսի գյուղեր: Այդ գյուղերից երեքը միանգամայն քայքայված

13

تقى بهرامی... صفحه ۱۴۹

14 J. N. Curzon, Persia and the Persian Question, vol. II, London, 1892, p. 486.

15 A. K. S. Lambton, Landlord and Peasant in Persia, London, 1953, p. 154.

16 E. Stack, Six months in Persia, vol. II, London, 1882, p. 247.

17

مرتضى حسینی تهرانی... صفحه ۱۲۴

վիճակում էին¹⁸։ Իրանի ֆինանսների մինիստրության արխիվներում պահպանված 1878 թվակիր մի ղեկուցագրում հարի և Թեհրանի շրջակայքի մասին նշված է, որ Իրանի գյուղերի մեծ մասը, անկախ այն բանից թե նրանք խալիսե էին կամ արբաբի, անկման վիճակում էին։ Այդ ղեկուցագրում նշված է նաև այն փաստը, որ արբաբի կալվածքները համեմատաբար լավ վիճակում էին, քան խալիսե կալվածքները¹⁹։ Հիմնադ էս Սալթանին նույնպես նշում է, որ հսկողության բացակայության և վատ կառավարման հետևանքով պետական շատ կալվածքներ ավերվել էին²⁰։

Պետության կողմից վարձով տրված հողերն էլ առանձնապես չէին ծաղկում, քանի որ վարձակալները կապիտալ ներդրումներ չէին կատարում, այլ ձգտում էին առավելագույն օգուտներ քաղել, որի հետևանքով էլ հողերը ուժասպառ էին լինում։

Այս ամենի պատճառով 70—80-ական թվականներին խալիսե հողատիրություններ, որպես հողատիրության ձև, անկում էր ապրում։ Այդ պրոցեսի առաջն առնելու նպատակով և մեծ դումարների կարիք զգալով՝ Նասր էդ Դին շահը սկսեց խալիսեները վաճառելու Ստեղծվեց «վեղարաթի խալիսեջաթ» կոչվող մինիստրություն, որը փաստորեն միջնորդի դեր էր կատարում, հոր խալիսե հողերը վաճառվում էին կամ տրվում որպես թիուլ։ Խալիսե հողերի վաճառքի մասին է խոսում նաև Զամալ Զադին, որը գրում է, թե պետությունը դրամի կարիք զգալով 1876 թ. սկսած որոշեց վաճառել խալիսեները²¹։ Դիվանի կալվածքները և հողերը ունեւոր և հարուստ մարդկանց վաճառվեցին և համապատասխան փաստաթղթեր տրվեցին²²։

Խալիսեի վաճառքի փաստաթղթերը ստորագրում էր ինքը՝ շահը՝ Նահանգապետները միայն միջնորդի դեր էին կատարում, հորհմն էլ իրենց պաշտոնը օգտագործելով՝ էժան գնով հող էին ձեռք բերում։ Պատահում էին նաև դեպքեր, որը նահանգապետները էժան գնած խալիսեները վաճառում էին ավելի բարձր գնով։ Անսարին գրում է, որ նման ֆիրմանների ձեռք բերելու համար կատարված ծախսերը, կաշառքները և այլն գնալով աճել էին 10, մինչև իսկ 20 անգամ²³։ Նա նշում է, որ սկզբում խալիսեները գնում էին ավելի ցածր խալիսեի ներկայացուցիչները, բայց հոր հեղինակավորությունը բարձրացավ, արքայազնները և մեծամեծները նույնպես մասնակից դարձան այդ մրցավաճառքին²⁴։ Այսպես, Աստրաբադում խալիսե հողեր էր գնել Նասր էս Սալթանին, որը 1900 թ. արդեն այդ կալվածքների մեծ մասը իր սեփականությունն էր դարձրել²⁵։ Նույնը կարելի է ասել և Շիրազի շրջանի մասին, որտեղ խալիսե

¹⁸ A. K. S. Lambton, *Landlord and Peasant in Persia*, London, 1953, p. 156.

¹⁹ Նույն տեղում, էջ 152.

²⁰ محمد حسن خان اعتماد السلطنة كتاب المائروالاثار طهران ۱۳۰۲ صفحه ۱۳۰

²¹ محمد علی جمال زاده کنج شایگان یا اوضاع اقتصادی ایران برلین ۱۳۳۵ صفحه ۱۳۸

²² تقی بهرامی... صفحه ۱۴۶

²³ انصاری... صفحه ۶۹

²⁴ Նույն տեղում, էջ 62.

²⁵ ЦГВИА, ф. 76, л. 241, л. 6.

հողերի մեծագույն մասը անցել էր մասնավոր անձանց ձեռքը: Այդ նույն պրոցեսը տեղի ունեցավ Մարվի շրջանում: 1899-ին Կոստզովսկին հաղորդում էր, որ էզրայ էս Սալթանեն և Մոհամեդ փաշան դնել էին Մարվի խալիսե կալվածքները²⁶:

Թեհրանի հյուսիս-արևմտյան մասում գտնվող Սավեյի գավառում մոտ 300 գյուղ նախկինում պատկանում էր պետությանը, բայց XX դարի սկզբներին դրանց շուրս-հինգերորդն արդեն յուրացվել էին կալվածատերերի կողմից²⁷:

Խալիսե հողերի վաճառքի մասին այս հրամանից մի քանի տարի հետո Գիլանի ելումուտի մասին կազմված զբոսայգում ցույց է տրված, որ շահի կողմից անցյալում բռնազրաված և խալիսե դարձած հողերի վաճառքի հետևանքով, Գիլանում խալիսե էր մնացել բնդամենը երկու գյուղ: Այդ հողերը ժամանակին պատկանել են Գիլանի նահանգապետ Մաջդ էդ Դուլին, իսկ այժմ վաճառվել էին նրա որդուն՝ էմջադ էդ Դուլին²⁸:

Այսպիսով, նաև էդ Դին շահի թագավորության վերջում մեծ քանակությամբ խալիսե գյուղեր, հատկապես Իսֆահանի շրջանի խալիսեները, ամբողջովին վաճառվեցին, և մեծ թվով մարդիկ հողեր գնեցին պետությունից: Անսարին պրով է, որ խալիսեները մեկը մյուսի ձեռքից խլում էին և միմյանց ծախում: Պատահում էին դեպքեր, որ տասը տարվա բնթացքում նույն գյուղը հինգ անգամ ձեռքից ձեռք էր անցնում²⁹:

Մոզաֆար էդ Դին շահի ժամանակ էլ վիճակը նույնն էր: Շահը հրամայեց խալիսեների վաճառքը շարունակել և կազմել մի ցուցակ, որի մեջ պետք է նշվեին այդ հողերի քանակը և յուրաքանչյուրի գինը: Պետական պաշտոնյաները և ազդեցիկ անձինք ցուցակը կազմելիս շարաշահումներ կատարեցին և մի շարք սևփական հողեր նույնպես մտցրին ցուցակի մեջ:

Թաղի Բահրամին նշում է, որ Մոզաֆար էդ Դին շահը հեռավոր և քայքայված կալվածքները վաճառելու փոխարեն, անգործունյա և ապիկար մարդկանց էժան գնով վաճառեց քաղաքների մոտակայքում գտնվող բնտիր և բարդավաճ կալվածքները, որի հետևանքով էլ այդ խալիսեները լրիվ քայքայվեցին և ավերվեցին³⁰: Այս շահի ժամանակ էր, որ Խուդիստանի համարյա ամբողջ խալիսեները վաճառվեցին մասնավոր անձանց³¹:

Խալիսե հողերի վաճառքը տեղի էր ունենում պետության համար աննպաստ պայմաններում: Այդ հողերը վաճառվում էին շնչին գումարների դիմաց: Երբեմն էլ դրանք հատկացվում էին առանձին մարդկանց, որոնք հետո յուրացնում էին: Օրինակ, Մոզաֆար էդ Դին շահը Ղազվինի և Ջանջանի միջև բռնկած Սիահոհոնը, որը ուներ մոտ 2000 ծուխ և տարեկան 2000 հազար թուման կանխիկ գումար, 1000 խարվար ցորեն և 456 ման տարման հարկ էր տալիս, հանձնեց պալատական մի բարձր պաշտոնյայի իսկ նա, ինչպես և շատ ուրիշներ, տարրեր պատրվակներով, աստիճանաբար հարկերը իջեցրին, մինչև

²⁶ Նույն տեղում, գ. 374, թ. 3:

²⁷ Л т р е т, Мамед Али шах, Александрополь, 1909, стр. 44.

²⁸ ИГВИА, ф. 76, д. 361, л. 107.

²⁹

اتصاری... صفحه ۸۲—۳

³⁰

تنی هرامی... صفحه ۱۴۸

³¹

شمس الدین جرابری قوانین مالیّه تهران ۱۳۳۵ صفحه ۶۳

լրիվ յուրացրին այդ հողերը³²։ Այսպիսի դեպքերի մասին րազմաթիվ վկայություններ կան տարբեր սկզբնաղբյուրներում։

Խալիսի կալվածքների պատմության տեսակետից հետաքրքիր են 1324 թ. (1806) Շիրազի իրադարձությունները։ Մուլաֆար էդ Դին շահի որդիներից Շուա էս Սալթանեն Ֆարսի նահանգապետն էր։ Վերջինս պետությունից չնչին դումարով դնեց Ֆարսի խալիսի կալվածքները, որից հետո սկսեց յուրացնել Շիրազի խալիսիները։ Նա դրավեց նաև Նասր էդ Դին շահի ժամանակ առանձին դեպքերում գյուղացիներին վաճառված խալիսիները։ Խալիսիների այս գնումները աստիճանաբար հասցրին այն բանին, որ պաշտոնյաները սկսեցին ոտընձգություններ անել նաև կալվածատերերի սեփականությունների նկատմամբ։ Եթե որևէ կալվածատեր սեփականադիր չուներ, ապա նրա հողերը ամբողջապես յուրացվում էին, իսկ եթե նման փաստաթուղթ ուներ, ապա նախ այդ սեփականադիրն էին առնում նրա ձեռքից, իսկ հետո յուրացնում նրա կալվածքը։ Այս ոտնձգությունները մեծ դժգոհություն պատճառեցին և խլրտումներ առաջացրին³³։

Կիրառվում էր նաև այն պրակտիկան, երբ պետությունը իր իրավունքները վերականգնում էր այս կամ այն հողի նկատմամբ, այն պայմանով, որ այդ նույն հողը կարող էր հետո տալ մեկ ուրիշի՝ սեփականության իրավունքով։ Բայց ոչ միշտ էր դա հաջողվում։ Այսպես, օրինակ, 1870-ական թվականների վերջին Կոդաթլույի շրջանի մի ամբողջ ցեղ չդիմանալով վարչական մարմինների ճնշումներին և կորդումներին՝ լքեց իր դրազեցրած շրջանը և իր խաների հետ միասին գաղթեց Ռուսաստան։

Նրանց հողերը «մնացին աղատ», բայց ոչ ոք այնտեղ չէր վերաբնակվում, քանի որ այդ շրջանի պետական հարկերի պաշտոնական չափերը միջնեխակ կազմում էին 1200 թուման դրամով և 1700 խարվար ցորեն բնամթերքով, որն անշուշտ շատ ծանր էր և ոչ ոք իր վրա վերցնել չէր կարող։ Մի քանի տարի հետո Արզարիլի նոր նահանգապետը Կոդաթլու ցեղի ղեկավարների հետ բանակցության մեջ մտավ, որպեսզի նրանք վերադառնան իրենց նախկին հողերը, առաջարկելով պակասեցնել պետական հարկերը մինչև 730 թուման դրամով և 1300 խարվար բնամթերքով³⁴։

Աղբյուրները վկայում են նաև հետևյալ միջոցառումների մասին, խալիսի հողերի տնօրինողները երբեմն իրենց իշխանությունը չարաշահում էին ոչ միայն իրենց տնօրինության տակ եղած կալվածքների յուրացման, այլև հարևան կալվածատերերի հողային սեփականությունները զավթելու և իրենց հողային հարստությունները մեծացնելու տեսակետից։ Նասր էդ Դին շահի թագավորության տարիներին խալիսի հողերի կառավարիչների կամ, ինչպես նրանց անվանում էին, մորաշիրների ոտնձգությունների և յուրացումների առաջն առնելու համար, որոշեցին այդ հողերը հանձնել մորաշիրներին՝ վեր-

32

جمال زاد... صفحه ۱۳۸

33 نظام الاسلام کرمانی تاریخ بیداری ایرانیان مجلد اول تهران

صفحه ۳۳۰

34 Л. Ф. Тигранов, Из общественно-экономических отношений в Персии, СПб, 1909, стр. 4.

ջին երեք տարիները հկամուտները միջին չափի դիմաց, անկախ այն բանից թե զա կկազմեր մեկ տարվա հկամուտից ավելին կամ պակասը: Այդ որոշակի գումարը յուրաքանչյուր տարի մորաշիրը պետք է վճարեր պետությունը: Այս կարգը շարունակում էր գոյություն ունենալ մինչև 1928 թ., երբ հատուկ օրենքով այդ հոդերը համարվեցին արքայի և դարձան մասնավոր սեփականություն³⁵:

Ինչպես տեսնում ենք, սա նույնպես պետական հոգերը վաճառելու կամ մասնավոր սեփականություն դարձնելու հղանակներից մեկն էր, որը որոշ տարածում էր գտել XIX դարի երկրորդ կեսին:

Ղաջարական դինաստիայի թագավորության տարիներին երկրի մշակելի հողերի ընդարձակ տարածություններ շահերի ցանկությամբ տրվեցին որպես թիույներ: Պետական պաշտոնյաները, վաղիրները, նալիրները, հաքմները և ուրիշներ ընդարձակ թիույներ էին ստանում: Թիույներից շոշափելի բանակ տրվում էր նաև շահի ընտանիքի անդամներին: Օրինակ՝ Խոթաասանի նահանգի Նիշարուր տրվել էր արքայազն Նալիր էդ Դուլին³⁶: Այդ տարիներին հատկապես լայն տարածում էր գտել տարիական ոռճիկի դիմաց առանձին պաշտոնյաներին տրված թիույր: Թիույի այդ ձևը ավելի մեծ տոկոս էր կազմում, քան մյուս ձևերը: Մյուս կողմից, թիույդարները ձգտում էին իրենց թիույները դարձնել մշտական և փոխանցելի, պետության միջամտությունը թիույի ներքին գործերին նվազագույնի հասցնել և փաստորեն նրանց տերերը դառնալով, կարողանալ, որպես ժառանգություն, փոխանցել իրենց հաջորդներին³⁷: Բնորարք անդրադառնալով զաջարների կողմից այդպիսի առատությամբ թիույներ տալու փաստին, նշում է, որ զաջարները վերջին հարյուրամյակի ընթացքում բաժանելով թիույները դրվեցին իրենց նվաճումների ավելի քան կեսից և հողային հկամուտների ավելի քան երկու երրորդից:

Չնայած թիույները ժառանգարար փոխանցվում էին, սակայն պատահում էին նաև դեպքեր, երբ դրանք տրվում էին ուրիշի:

Ժամանակավորապես օգտագործման տրված կալվածքները կամ թիույները դեռևս XIX դարի երկրորդ կեսին հսկայական տարածություն էին կազմում: Հողային այդպիսի հատկացումները, բնականաբար, ուժեղացրեցին աղնվականությանը, բարձրացրեցին նրանց տնտեսական հզորությունը, որը իր հետ բերեց շահից ունեցած կախվածության նվազում և կենտրոնական իշխանության թուլացում:

Ուրեմն պարզորեն նկատվում էր, որ նոր պայմաններում թիույային հոգատիրությունը այլևս իրեն չէր արդարացնում և բնականաբար այն իր տեղը պետք է դիջեր մասնավոր հոգատիրությանը կամ մյուսքադարությանը, մի պրոցես, որն իսկապես տեղի ունեցավ XIX դարի երկրորդ կեսին:

Այստեղ, իհարկե, պետք է անել հետևյալ վերադասությունը: Չնայած XIX դարի վերջերին թիույդարների շատերը փաստորեն արդեն այդ կալվածք-

³⁵ مصطفیٰ هروی تحولات قوانین مالیات بی درآمد ایران تهران ۱۳۳۳ صفحه ۳۸

³⁶ احمد هومن... صفحه ۹-۲۷۸

³⁷ В. Б е р а р, Персия и персидская смута, 1912, стр. 260.

ևերի մասնավոր սեփականատերերն էին, սակայն, իրավական տեսակետից շարունակում էին գոյություն ունենալ որոշ սահմանափակումներ: Հենց այդ պատճառով էլ խալիսենների վաճառքի ժամանակ շատ թիուղարներ էժան գնով իրենց տրամադրության տակ եղած հողերը գնեցին, որպեսզի լրիվ սեփականատերեր լինեն³⁸:

Թիուլների հանձնման գործում էլ կարելի էր նկատել այսպիսի փոփոխություն: Եթե XIX դարի առաջին կեսին թիուլը, որպես պետական ոռճիկ, տրվում էր իշխաններին, հոգևորականներին, պետական պաշտոնյաներին, կամ ինչ-որ ծառայության դիմաց, ապա XIX դարի երկրորդ կեսից սկսած թիուլ կարող էր ստանալ նա, ով ավելին կվճարեր: Հասկանալի է, որ նոր պայմաններում հողային սեփականությունը տալիս էր մեծ եկամուտներ, ուստի ունևոր խավի տարբեր ներկայացուցիչները ոչ մի միջոցի առաջ կանգ չէին առնում ու կաշառքի և այլևայլ եղանակներով լայնատարած թիուլներ էին ձեռք բերում:

Կորսունը խոսում է Ադրբեջանի թիուղարների մասին: Նա նշում է, որ երբեմն ամբողջ մահալի գյուղերը տրվում էին որպես թիուլ: Օրինակ՝ 1900 թ. Մեշրինի մահալի բոլոր 118 գյուղերը տրվել էին որպես թիուլ³⁹: 1898 թ. որոշ տվյալների համաձայն Թեհրանի մոտակայքում գտնվող Ամինաբադ գյուղը մեծ վեղիր Ամին էս Սուլթանի, Մահմուդ Աբադ գյուղը պալատի զադտնի գործերի վերակացու Նազեմ խալվաթի, Ֆերնաբադ գյուղը շահի զլխավոր խոհարարի թիուլներն էին⁴⁰: Իրանի ֆինանսների մինիստրության արխիվներում պահպանված մի ցուցակի համաձայն, որը կազմված է 1878—1879 թթ., Ջանջանում և նրա շրջակայքում 800—900 գյուղեր համարվում էին թիուլա-

լիս⁴¹: Ինչպես ասացինք, շնայած պետության կողմից տրված այդ կալվածքները շարունակվում էին կոչվել թիուլ, սակայն նոր պայմաններում թիուղարները փաստորեն այդ հողերի տերն ու տնօրենն էին: Այդ հողերը պետությունից ստանալով նրանք սկզբից եթե նախատակ էին հետապնդում դրանք յուրացնել, Այսինքն՝ թիուլներ ձեռք բերելը դառնում է խոշոր կալվածատերերի ձեռքում հողային սեփականությունների կենտրոնացնելու եղանակներից մեկը: Այս հանգամանքը սկզբում որոշ չափով անհանգստացնում էր պետությանը, որը այդպիսով զրկվում էր իր եկամուտներից:

Արխիվային փաստաթղթերը ցույց են տալիս, որ 1871 թ. Իրանի կառավարությունը վարչական բարեփոխման մի նախագիծ էր մշակել, որը սկզբում պետք է գործադրվեր Ադրբեջանում: Այդ նախագիծը շոշափում էր նաև թիուլների հարցը: Հստ այդ նախագծի, թիուլները պետք է զրկվին պետության հսկողության տակ: Ինչպես է, որ դա մեծ դժգոհություն առաջացրեց թիուղարների մեջ, քանի որ այդպիսով նրանք կզաղարկին թիուլների մասնավոր տերերը լինելուց և կզրկվին իրենց խոշոր եկամուտներից: Հետաքրքրական է նշել, որ գյուղացիներն էլ առանձնապես զոհ չէին այդ նախագծից, քանի որ նրանք պարզորեն տեսնում էին երկու տերերի կողմից շահագործվելու հե-

³⁸ Л. Ф. Тиграиов, Из общественно-экономических отношений в Персии, Тифлис, 1905, стр. 84.

³⁹ Н. Г. Корсуи, Военный обзор персидского-передового театра, Тифлис, 1909, стр. 114.

⁴⁰ ЦГВИА, ф. 76, д. 213, л. 1.

⁴¹ A. K. S. Lambton, Landlord and Peasant in Persia, London, 1953, p. 154.

ռանկարը և զերադասում էին իրերի նախկին վիճակը⁴²։ Այդ նախագիծը, իհարկե, չկիրառվեց կյանքում։

Այսպիսով, ինչպես տեսնում ենք, եթե սկզբում թիուլը իրենից ներկայացնում էր վարչական, զինվորական կամ այլ ծառայությունների դիմաց հողից ստացվող եկամուտը դանձելու պայմանական իրավունք, ապա հետագայում թիուլը վերածվեց հողի պայմանական տիրման իրավունքի՝ պետական հարկերի պարտադիր վճարման պայմանով։ XIX դարի վերջին վերանում է նաև թիուլային հողերի տիրման պայմանականությունը, թիուլդարները հրաժարվում են ընդհանրապես իրենց պարտականությունները կատարել պետության նկատմամբ։ Իսկ դարավերջին և XX դարի սկզբին ժառանգական թիուլը արդեն դառնում է ընդունված ձև և թիուլդարները վերածվում են փաստական հողատերերի։ Իրերի փոփոխման այդ փաստական վիճակը իր իրավական արտացոլումը գտավ հետագայի քաղաքացիական օրենսգրքում։

Այսպիսով, խալիս հողերի վաճառքը կամ թիուլային հողերի յուրացումը այնպիսի շահեր ընդունեց, որ խալիսի ֆոնդը հասավ մինչև ամբողջ մշակելի հողերի 4 տոկոսին։ Այդ նույն պրոցեսի մասին է խոսում նաև Լամտոնը, որը վերլուծելով խալիս հողերը վաճառելու և յուրացնելու պատմությունը, գալիս է այն եզրակացության, որ «այդ ժամանակաշրջանի ընդհանուր տենդենցը խալիսին վաճառքով և որոշ զեմլերում նաև ուղուրպացիայով մասնավոր սեփականության վերածելն էր»⁴³։

Նշանակում է մասնավոր հողատիրությունը կամ մյուլքադարությունը աճում էր հիմնականում խալիսի և վակֆային հողատիրության հաշվին։ Հատկապես 80-ական թվականներին խալիս հողերի վաճառքից հետո արբաբի կալվածատիրությունը նշանակալից չափով աճեց, այնպես որ աղբյուրների վկայությամբ եթե 70—80-ական թվականներին արբաբի հողերը զեռես ամբողջ հողատիրության մեջ մեծամասնություն չէին կազմում, ապա XX դարի սկզբներին դրանք արդեն հողատիրության գերիշխող ձևն էին։

Իրանի հասարակական կյանքում առաջացած առաջավոր զաղափարները չէին կարող չընդափնել երկրի կյանքում կարևոր նշանակություն ունեցող ագրարային հարցը, այդ թվում և պետական հողերի հարցը։ Այդ խնդրին մենք այստեղ մանրամասն չենք անդրադառնա, միայն նշենք, որ Իրանի խոշորագույն լուսավորիչ, դիվանագետ, հրապարակախոս հայազգի Մալքումը իր «Իսլամարե թանգիմաթ» գրքում գտնում էր, որ խալիս հողերը պետք է վաճառել գյուղացիներին և ոչ թե կալվածատերերին։ Նա առաջարկում էր, որ խալիս հողերի վաճառքից ստացված գումարներից կես միլիոնը հատկացվի առևտրի միևնույն տիրույթանք՝ «Աղգային բանկ» հիմնադրելու համար⁴⁴։

Ամփոփելով մեր հոդվածը, կարելի է նշել, որ խալիս հողերը սկսած XIX դարի երկրորդ կեսից կորցրեցին իրենց նշանակությունը Դարավերջին

⁴² АВПР, Главный Архив, V, Аз. дел. № 19, л. 81.

⁴³ A. K. S. L. A m b i o n, Landlord and Peasant in Persia, London, 1953, p. 152.

⁴⁴ فریدون آدمیت فکر آزادی و مقدمه نهضت مشروطیت ایران تهران ۱۳۵۱ ۱۹۶۱ صفحه ۱۳۵

տարբեր ժամանակներում և տարբեր հղանակներով բռնագրավված և պետական հողերի ֆոնդը մտած հսկայական տարածություններ ընդգրկող խալիսե հողերը անցան կալվածատերերի ձեռքը: Հատկապես նասր էդ Դին շահի թագավորության տասը տարիների ընթացքում մեծ քանակությամբ խալիսեներ վաճառվեցին:

Աղբյուրներում, օրինակ, XX դարի սկզբներին խալիսե հողերը կազմում էին ամբողջ մշակելի հողերի 8—9 տոկոսը, խալիսե կալվածքներից մնացել էին ընդամենը 1345 գյուղ ամբողջ երկրում⁴⁵:

Մի կողմից առանձին մեծահարուստներ, օգտագործելով կենտրոնական իշխանության թուլությունը, յուրացնում էին ընդարձակ պետական կալվածքներ, իսկ մյուս կողմից ինքը պետությունը խոշոր գումարների կարիք զգալով վաճառում էր կալվածքները առանձին մարդկանց ու վերածում դրանք մասնավոր սեփականության: